

玄覽堂叢書

第二冊

世說新語卷之四

商乘序

蓋余嘗橫襟而窺大宇之寥

廓歎窮無窮極無極希蹤于

人所不到之區而陸步自畫

不能為域外之曠觀埒井蛙

之于東海適適然驚規規然



自失也夫夫也食君食而去
疆場可無張騫傅介子之選
思乎乃吾年友趙師楊公饒
為之公嘗治兵西垂大展雲
中籌畧以上功晉秩今且控
越海之三郡而兩要區屹然

藉保障也東西之觀躬跡之
矣

國家承平日久武備濶畧公時
時蒿目以憂邊計乃纂商乘
以志先憂凡燠燕臬矚之邦
常講毳幕之長梯杭琛賁解

辯蹶角以至山川阻深隔閼
聲教者靡不別其種類肖其
風俗悉其所為制馭之策余
因是而獲窮無窮極無極也
夫以三代綦隆越裳三譯受
命于國之黃耆以滄海不波

為盛事祖龍揆山海校焉啓
疆而因自促其世漢天子以
丈人行媚虜而唐宗馬嵬羈
食蹙國于漁陽之輦鼓則未
有如我

朝威震三犂控弦萬里窮髮為

序
編戶者比年以來徂于養寇
消難作易靡之戰氣而恃易
靡難固之款心昔之款虜挾
其戰以要我今之款又挾我
之不得不款以制我戰而款
則款之權我操之不戰而款

則歟之權彼握之且名以利
餌虜而倭之以利餌我國人
我失其所御以餌虜而又失
其所御以受倭之餌

皇上出金錢于塞北而奸民牧
之于海東出之者可必其不

來而收之者不可必其不玄
至于建州海西砭肌剥膚不
能戰不能款以微倖其不至
築京訊馘無足懾我心而白
山木葉之間有隱疹焉溫焉
戶逐之境有伏阱焉邈觀前

代四夷何嘗不款漢能戰以
警單于故款固而末世猶享
款塞之利唐不能以戰警突
厥然亦不忘戰故款雖不固
亦無金繒歲益之患宋則戰
款兩失之而卒貽靖康之禍

我

國家有漢唐之全盛而無漢唐
之強無宋室之偏安而有宋
室之弱

穆清之暇試取商乘展卷披閱
彼東西南北嵩堅距銳如猛

獸爭獍在在思湖四面環向
窺伺為我敵國而吾所以制
馭之惟在葆合腹心之元氣
以潛消四肢之癥結顧自權
鑿四紛採樵疊出西寧東茂
播州皮林之役瘡痍未起則

憂在內地時情水火議論導
皆緩四夷之捍禦而急同室
之戈矛則憂在

內廷此其為腹心之患形見勢
輒將菀枯散為瓦解彼四封
之伺隙雖未履及皇釗及門

車及市而識者已竊色而却
步慮在四夷先矣昔郭玉之
療貴人也承以怖懼而意不
盡曰貴人之難療也在自用
意而不用臣如其用臣則吾
必以四夷考進

天子有道以四夷為內守有警
則釋四夷為外懼蓋不敢為
張騫傳介子之驚遠功而第
如史佚之告成王者曰使之
以時而敬順之忠而愛之希
令信而不食言則越裳三譯

將稽顙

朝下而東海波臣得嘗咏太平

之盛矣

萬曆乙卯孟夏朔日

賜同進士出身嘉議大夫浙江
等處提刑按察司按察使前